



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU **LISTE ZA BUGOJNO**

Broj: 03-07-6-314/15
Sarajevo, 13.06.2016. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Liste za Bugojno za 2014. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2014. godinu, utvrđeno je da je Lista za Bugojno prekršila odredbe člana 11. i člana 12. stav (1), stav (3) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja Liste za Bugojno, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Liste za Bugojno za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Lista za Bugojno se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	0,00	0,00%
3.	Prilozi pravnih lica (3-b)	0,00	0,00%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	0,00	0,00%
7.	Prihodi iz budžeta (3-f)	36.400,00	100,00%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	36.400,00	100,00%
II	Kreditno zaduženje kod banaka	0,00	0,00%
	Izvori finansiranja (I+II)	36.400,00	100,00%

U godišnjem finansijskom izvještaju za 2014. godinu Lista za Bugojno je iskazala rashode u iznosu od 35.484,52 KM.

2. PREDSTAVLJANJE POLITIČKE STRANKE

Naziv političke stranke: Lista za Bugojno.

Lista za Bugojno upisana je u registar političkih organizacija kod Općinskog suda u Travniku, rješenjem broj: 051-0-F1-12-000003 od 23.05.2012. godine.

Sjedište stranke je u Bugojnu, Nogle II bb.

Lica ovlaštena za zastupanje stranke su: Nihad Ćurić, predsjednik, Amir Basarić, predsjednik Skupštine, Emir Muftić, zamjenik predsjednika i Besim Cetin, sekretar.

Lice ovlašteno za podnošenje finansijskih izvještaja za 2014. godinu je Nihad Ćurić.

Prema podacima iz godišnjeg finansijskog izvještaja za 2014. godinu, Lista za Bugojno nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Liste za Bugojno za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Lista za Bugojno u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Liste za Bugojno obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je reviziju i pregled finansijskih izvještaja za 2012. i 2013. godinu Liste za Bugojno, nakon čega su izdati izvještaji o reviziji i pregledu sa mišljenjem revizora i nalazima revizije.

Nakon izvršenog pregleda za 2013. godinu, Služba za reviziju je izdala Izvještaj o pregledu godišnjeg finansijskog izvještaja Liste za Bugojno sa mišljenjem revizora, nalazima revizije i preporukama stranci da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da poslovanje gotovim novcem svede na najmanju mjeru, te da naknade isplaćuje sa transakcijskog računa na tekuće račune fizičkih lica, da uspostavi poslovanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge. Takođe je preporučeno da poslovanje blagajne treba da uredi tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma, te da poštuje i druge zakone, prevashodno računovodstvene i poreske.

Nerealizovane preporuke:

Na osnovu uočenih nedostataka u godišnjem finansijskom izvještaju za 2014. godinu, utvrđeno je da Lista za Bugojno nije ispoštovala date preporuke.

5. NALAZI I PREPORUKE REVIZIJE

5.1. NALAZI

a) Lista za Bugojno prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda, utvrđeno je da Lista za Bugojno u poslovnim knjigama nije evidentirala sve rashode i promet ostvaren putem transakcijskog računa, niti je obrasce godišnjeg finansijskog izvještaja za 2014. godinu popunila u skladu sa Pravilnikom o godišnjim finansijskim izvještajima političkih stranaka-u daljnjem tekstu: Pravilnik, čime su prekršene odredbe člana 11. i člana 12. stav (1) i stav (3) Zakona o finansiranju političkih stranaka.

(1) Lista za Bugojno nije u skladu sa poreskim propisima obračunala i uplatila porez na dohodak i pripadajuće doprinose na naknade isplaćene volonterima i članovima stranke, te na sredstva isplaćena fizičkim licima na ime humanitarne pomoći, niti je u poslovnim knjigama i finansijskom izvještaju iskazala troškove i obaveze po ovom osnovu.

Kontrolom dodatne finansijske dokumentacije utvrđeno je da je Lista za Bugojno na osnovu pojedinačnih odluka iz 2014. godine isplatila jednokratne pomoći za dvadesetčetiri (24) fizička lica u ukupnom iznosu od 5.560,00 KM, kao i da je tokom

godine, na osnovu pojedinačnih odluka, izvršila isplatu pomoći fizičkim licima za sanaciju kuća od poplava, sufinansiranja školovanja, kupovine lijekova i troškove prevoza, u ukupnom iznosu od 3.884,00 KM. Ukupan iznos isplata po navedenim osnovama iznosi 9.444,00 KM.

Takođe je utvrđeno da je Lista za Bugojno na osnovu pojedinačnih odluka donesenih tokom 2014. godine, izvršila isplatu naknada za tri (3) volontera u ukupnom iznosu od 8.450,00 KM. Na osnovu pojedinačnih odluka isplaćena su sredstva i članovima stranke u ukupnom iznosu od 2.431,34 KM, te naknade za pomoć oko izrade i pripreme doktorskog i magistarskog rada za dva lica u ukupnom iznosu od 1.450,00 KM.

Osim navedenog, utvrđeno je da su sa transakcijskog računa Liste za Bugojno isplaćena sredstva fizičkim licima u svrhu aktivnosti na formiranju Općinskog odbora Demokratske fronte Bugojno u iznosu od 300,00 KM.

Obzirom da sredstva isplaćena fizičkim licima imaju karakter ličnih primanja, Lista za Bugojno je imala obavezu da, u skladu sa poreskim propisima, na sva isplaćena sredstva fizičkim licima, obračuna i uplati poreze i doprinose.

- (2) Pregledom godišnjeg finansijskog izvještaja, utvrđeno je da stranka nije pravilno iskazala podatke o prometu ostvarenom putem transakcionog računa broj: 1414355320002487 kod Bosna bank Interantional dd i stanje na dan 31.12.2014. godine, čime je prekršila odredbe člana 11. Pravilnika.

Stranka je u poslovnim knjigama i na obrascu 2 (pregled prometa svih transakcionih računa stranke) finansijskog izvještaja iskazala sljedeće podatke: početno stanje na dan 01.01.2014. godine 53,80 KM, promet ulaza 36.400,00 KM, promet izlaza 35.485,00 KM i stanje na dan 31.12.2014. godine 915,00 KM.

Kontrolom izvoda sa ovog transakcionog računa, utvrđeno je da je početno stanje iznosilo 53,85 KM, promet ulaza 36.400,00 KM, promet izlaza 34.927,99 KM, a stanje na dan 31.12.2014. godine 1.525,86 KM.

- (3) Stranka na obrascu 4.1 godišnjeg finansijskog izvještaja nije iskazala troškove zakupnine po osnovu ugovora o zakupu sa JU „KSC“ Bugojno u iznosu od 1.404,00 KM, čime su i ukupni rashodi stranke manje iskazani za navedeni iznos. Stranka je po osnovu ugovora o zakupu koristila prostorije JU „KSC“ Bugojno, površine 12m² sa mjesečnim zakupom od 117,00 KM, što za 2014. godinu iznosi 1.404,00 KM.

- Stranka je na obrascu 4 (rashodi političke stranke) iskazala ukupne rashode stranke u iznosu od 35.484,52 KM, od toga režijsko-administrativne troškove u iznosu od 21.815,62 KM i troškove propagande u iznosu od 13.668,90 KM. Kontrolom pojedinačnih obrazaca 4.1 (režijsko-administrativni i ostali troškovi) utvrđeno je da je stranka iskazala troškove u iznosu od 35.484,52 KM, dok na obrascu 4.2 nije iskazala troškove.

Obrasci 4., 4.1. i 4.2 finansijskog izvještaja nisu popunjeni u skladu sa odredbama člana 21, 22 i 23 Pravilnika.

b) Lista za Bugojno nije ispoštovala odredbe člana 12. stav (4) Zakona o finansiranju političkih stranaka.¹

Dana 04.08.2015.godine, Centralna izborna komisija Bosne i Hercegovine je Listi za Bugojno uputila Zahtjev za dostavljanje dodatne dokumentacije za 2014. godinu kojim je od stranke

¹ U skladu sa odredbom člana 12. stav (4) Zakona o finansiranju političkih stranaka, stranka je obavezna da podnese i druge izvještaje koje zatraži Centralna izborna komisija BiH.

traženo da dostavi: dokumentaciju o korištenju poslovnog prostora u 2014. godini (dokaz o vlasništvu nad nekretninama, ugovor o zakupu, odluku ili izjavu), Program utroška sredstava u 2014. godini, u skladu sa članom 4. stav (1) Zakona o finansiranju političkih stranaka, Glavnu knjigu sa kompletnim analitičkim evidencijama stranke za period 01.01.- 31.12.2014. godine, Bruto bilans stranke za 2014. godinu i kopije izvoda sa transakcijskog računa broj: 1414355320002487 otvorenog kod „BBI” dd Sarajevo za period 01.01.-31.12.2014. godine.

Stranka je, dana 21.08.2015. godine, dostavila ugovor o zakupu poslovnog prostora u Bugojnu, Program utroška sredstava za 2014. godinu, dio Bruto bilansa koji se odnosi na rashode, Dnevnik knjiženja amortizacije osnovnih sredstava, Blagajnički dnevnik i dnevnik knjiženja blagajne za mjesec decembar i Završni račun (bilans stanja i uspjeha) za 2014. godinu.

Obzirom da stranka nije u skladu sa zahtjevom dostavila kompletnu dodatnu dokumentaciju, prekršila je odredbe člana 12. stav (4) Zakona o finansiranju političkih stranaka.

5.2. PREPORUKE

Preporučuje se Listi za Bugojno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi tačne i potpune evidencije o svojim rashodima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka,*
- *da poštuje i druge zakone, prevashodno računovodstvene i poreske i*
- *da dostavlja dodatnu dokumentaciju koju od nje zatraži Centralna izborna komisija BiH.*

KOMENTAR:

U ostavljenom roku, Lista za Bugojno nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu.

šef Odsjeka za revizijske poslove

Sanja Tošović

Revizor

Nevenko Andan

šef Službe za reviziju

mr. sc. Hasida Gušić